

嘉慶庚辰秋人多吐瀉之疾次年辛巳其病更劇不移時而殞者比比皆是此症始自廣東今歲福建臺灣患者尤甚或云自舶趕風來此言未盡無稽病起卒暴多致夭橫拯救無方殊堪憐憫適沈君月枝自通州攜來痧症全書三卷係閩中林君藥樵氏所著內載青筋白虎霍亂等名皆以痧治先用鍼刺宣泄壅閉之邪然後另施湯藥因思今之時行吐瀉頃刻之間轉筋脈伏醫藥所不及救急之法莫速於鍼刺且景岳全書霍亂門中載有此法如法試之屢獲奇效因屬張子壽田重校付梓並補繪應刺經穴之圖俾倉猝之間便於按經鍼刺以廣其傳想仁人君子

有同心也是爲序

道光元年七月望日分巡常鎮通海等處地方兵備道兼
管河務加三級仁圃宋如林識

道光辛巳夏余自皖赴閩任假歸雒皋展視松楸時淮揚間痧疫流行猝不及治過吳門尤甚晤姑蘇諸名醫詢以治療之方據云沙症時有特未見如是之奇且驟者一患吐瀉卽脈沉支冷眼弔足攣投溫散涼解均無效近張子壽田刊林藥樵痧症全書方藥詳備且有刮放諸法甚效亟索一卷于途中閱之信然予甚珍之王午夏泉州郡亢旱沙疫復行延及省垣諸塊坡明府精岐黃術憐沙症猝死之多云閩醫涼熱兼投十不一活豈斯症果不可救耶余出此書示之去旬日復來云刺藥並施所濟甚多是此書不爲無功於世矣嘗考醫學原本內經東漢張仲景出

著傷寒方論立三百九十七法一百一十三方以濟天下
後世醫林尊爲神聖嗣是以後諸名家著書立言於十三
科病症分門別類殆已備論無遺而溫疫沙症則古無專
書發明者鮮明季洞庭吳又可著溫疫方論

國朝康熙初閩人林藥樵著痧症全書二君可謂補前人
之未備而成一家言者也顧吳又可溫疫論已遍行海內
而林藥樵痧症全書傳者獨少故治痧症視溫疫較難其
斃較速且邇來春夏之交多溫疫夏秋之際沙症尤多按
古方沙症醫法祇附見於絞腸痧乾霍亂吐瀉諸症門中
至刮沙針刺諸法景岳全書雖亦言之然卷帙浩繁讀者

忽而不講今閱林藥樵所著痧症全書其中經絡刮刺方藥宜忌一皆採集羣書惟沙症名目不見古書意作者自出心裁以新聞見而議論中肯治藥不偏將方改爲八音分紀編成歌訣極其簡明洵醫津之寶筏不特操是業者當讀卽鄉居行旅倉猝無醫得此全書按病求方不致茫無措手其所濟不尤博耶按景岳全書所載刮沙針刺諸法此書未詳茲附刊于後以備取法時

道光二年歲次壬午仲夏中浣福建督糧道分巡福州福甯兼管水利事務加三級如皋渭南氏吳篴識

凡著述之有裨日用者皆足以傳世行遠而莫切近於醫
沙症書尤切近中之切近者也余曩於一切藝術頗未措
意乙卯丙辰侍先大父疾兩載粗究醫藥之事旣而終
天抱恨亦遂置之辛巳承乏泉南會沙疫流行夏秋尤劇
雖多方拯救十嘗六七不治如皋吳渭泉大兄素精軒岐
馳譽曰下客秋觀察來閩亟以此症相詢渭泉出閩人林
藥樵所著痧症全書見示且云刺藥並施業已行之有成
效余按溫疫沙症相爲表裏明季吳又可著溫疫論上下
卷已收入

欽定四庫全書獨林氏書較晚出未被甄采而實足補吳書所未

備因愆愬重刊以廣流傳他日家置一編按方求治不致倉卒無所措手用仰副

聖天子痼瘕在抱之至意未必非是書之功也鳩工有日渭泉

行將去茲土余乃屬諸槐坡重加校勘付諸剞劂以成渭泉之志於其行也祖道城西濡筆而爲之序時

道光壬午仲冬上澣福建鹽運使司鹽法道仁和王楚堂識

刪訂痧書序

古無痧字本作沙今俗作痧又省作痧

痧無專書雖古有絞腸痧乾霍亂青筋白虎中惡等症治而禁忌未明剖析未盡千古如在暗室醫家託爲怪症稍知推挈焮刮者又禁人服藥迷誤就斃可勝悼哉康熙初林藥樵始以痧書授王養吾丙寅刻晰微補化全書未廣流傳乾隆丙午江寧有重梓施送者沈氏尊生書亦已收入而見者卒鮮爰爲刪纂開雕較原書詞理簡淨視沈刻眉目清疎中有疊出數見者便於倉猝檢閱對症施治毋嫌煩複也方名原取六十四卦今改八音分紀省字數易記查耳家置一冊庶幾識所忌宜無誤身命倘有同志益

廣其傳可也嘉慶三年歲次戊午泰興何汾丹流氏誌

附原書正誤一條

醫家不信有痧頭痛則用紫蘇麻黃發汗腹痛則用木香枳實溫中不語直視則認爲陰症而用桂附乾薑卒倒脈伏認爲中風而用牛黃蘇合小兒則誤作驚風痘疹婦人則誤爲經阻血凝立刻殺人可勝惜哉人祇知絞腸痛是痧不知有不肚疼而種種雜症之兼現疑似之間必當詳究也

原敘
節錄

吾師林姓其先閩人諱森號藥樵自號深山野人性韜晦

有山水癖佳句妙楷時與邱壑爭奇一日遇於荆溪之南
岳拂石對語片晌投洽徐而叩之凡天文術數地理方藥
無不精貫予追隨不忍釋野人曰偉男子立身行己豈得
虛生於天地必將世上人維持調護所貴一點真心耳出
痧書一冊付予曰予知醫是書不道人所已言不經人所
已試持此以往可與古人頡頏霄漢間矣旣又授我手法
予復綜核古今卽所聞見編成是書幸得張子一菴詳加
訂繹紫崖詹子慨爲梓傳二十年來始得相與有成以廣
野人之惠澤豈偶然哉康熙丙寅養吾山人王凱偉仙誌
海甯王君諱治行號服吾新建之裔博學多才晚以醫

名甲申鼎革老卒于常其子凱號養吾遂家毘陵工詞賦性忼慨博通醫理得林氏傳刻痧書救世近時痧症尤多從此人知治法藥樵養吾自當俎豆醫林云

痧症全書目錄

卷上

痧原大略第一

痧無補法第二

分經絡第三

看涼熱第四

分表裏第五

審脈第六

論吐下第七

急症第八

緒論第九

手法第十

燂刮刺

放痧十處

用藥大法第十一

藥忌

藥宜

宜忌半

補未列藥

飲食第十二

食忌

食宜

救急小方第十三

試痧法在內

卷中

痧分症治第十四

風痧

暑痧

陰痧

陽痧

紅痧

斑痧

烏痧

吐痧

瀉痧

卽水痧

緊痧

慢痧

卽白痧

暈痧

絞腸痧

抽筋痧

暗痧

悶痧

落弓痧

噤口痧

撲蛾痧

卽喉痧

角弓痧

附方歌

瘟痧

滿痧

脫陽痧

附方

羊毛痧

附輓擦法

羊筋痧

附挑法

紫疱痧

瘋痧

血沫痧

附方

蛔結痧

銅痧

卽發黃

鐵痧

痧塊

身重痧

心煩嗜睡痧

遍身青筋痧

遍身腫脹痧

痧別兼類變第十五

傷寒兼痧

痧類傷寒

傷風咳嗽痧

咳嗽嘔噦痧

霍亂痧

痧痢